

臨泣主小兒驚癇反視

顧息主小兒癇喘不得息

然谷主小兒臍風口不開善驚

瘦脉長強主小兒驚癇痰涎嘔吐泄注驚

恐失精瞻視不明聒

懸鍾主小兒腹滿不能食飲

謔謔主小兒食晦頭痛

○孫真人備急千金要方卷之九十三

急救仙方序

圖一

醫之療疾莫難於婦人婦人之疾莫重於胎產胎產之重者何蓋以一身之疾否繫乎母子之存亡故千金方部居獨以婦人廁其首此思邈孫真人之用心不苟矣世之胎產諸方不為不富然其間多犯冗僻貴冗則倉卒之際難備僻則窮鄉下邑難得貴則貧窶之家難求是三者雖非君子用心之不周而人蒙其惠者往往求什一於千百今此方之編分為三類末附以雜病雖不能如諸方之廣載博該要之不犯冗僻貴而凡胎產危急之證大略亦盡之矣俾倉卒之際窮鄉下邑貧窶之家皆得易而求之雖一草一木足以收效豈若前三者之難為功哉苟有用者始信其為閨門之重寶云金川徐守貞序

急救仙方卷之一

妊娠諸疾品

木苓湯治婦人胎孕不安

白木 黃芩 各等分

右為粗末每服三錢水二盞當歸一根同煎至一盞稍溫服

立效散治胎動不安如重物所墜冷如水

川芎 當歸 各等分

右為粗末每服五錢水煎食前溫服或下血心腹痛酒水相半煎服

保安散治妊娠因有所傷胎動疼不可忍及血崩不止

連皮縮砂 不以多少炒黑去皮

右為細末溫酒調下覺腹中熱則胎已安矣

治妊娠胎動不安或腰痛胞轉擔心下血不止

石菖蒲根 甚計三升飯之

又方艾葉如雞子大以酒四升煮取二升分二服良

又方檳榔一兩為末葱白湯調下一錢七佳
二黃散治有孕胎漏下血

生地黃 熟地黃各等分
右為細末每服三錢煎白木枳殼調下
立聖散治妊娠下血不止

雞肝二具用好酒一升煮熟共酒食之大效

枳朮散治胎漏下血或因事下血

枳殼去穢半兩 黃芩半兩 白木二兩
右為粗末每服五七錢水煎去滓食前服
治妊娠誤有失墜或推築著疼痛難忍

當歸兩 新青竹茹二合
右以好酒二升煮十數沸分三服

又方以川芎為末每服二錢溫酒調下
治妊娠因頓跌胎動不安腹痛腹滿或有所

下或胎上搶心

熟地黃二兩 白芍藥 艾葉
當歸 甘草 阿膠炒
黃耆 川芎各一兩
右吹咀每服半兩姜三片棗一枚水煎服

火龍散治妊娠心氣痛

艾葉半兩 茵香半兩 川練子半兩
右為細末水煎食前服

通氣散治妊娠腰痛狀不可忍此藥神妙
破故紙不以多少瓦上炒香熟為末

胡桃肉一箇空心溫酒調下三錢

芎歸湯治妊娠胎動子死或不死

川芎 當歸各等分
右吹咀每服三五錢加紫蘇數葉酒水合煎服死者即下未死者即安

黃連湯治妊娠兒在腹中啼

黃連二錢 生甘草一錢
右濃煎汁令母呷之

又方以多年空屋下鼠穴中土一塊令母噉之即止

猪苓散治妊娠從腳上腫至腹小便微利微渴引飲

猪苓五兩

右為末以熱水服方寸匕日三
葶藶散治妊娠遍身洪腫

葶藶二兩 白木五兩 白茯苓

桑白皮 郁李仁各二兩
右為粗末水六升煮取二升分三服小便利即差

又方澤瀉二兩 葶藶二兩 茯苓

枳殼炒 白木各六兩
右為細切以水六升煮取二升分二服

防已湯治妊娠脾虛遍身浮腫心腹脹滿喘促小便不利

防已七錢 桑白皮 赤茯苓
紫蘇葉各一兩 木香二錢
大便不通加枳殼檳榔

右粗末每服四錢姜四片水同煎食前服
當歸芍藥散治妊娠腹中絞痛心下急痛

白芍藥四兩 當歸 茯苓各一兩

澤瀉二兩 川芎二兩 甘草炙一兩
右為細末每服三錢食前溫酒調服以蜜丸亦可

人參散治妊娠霍亂吐瀉心煩腹痛

人參一兩 厚朴一兩 陳皮一兩

當歸炒 甘草半兩 乾生姜一兩

嘔逆不止加益智仁煨草豆寇

右吹咀每服四錢棗三箇水煎服

茯苓半夏湯治妊娠惡阻心中憤悶頭目眩

暈四肢怠惰百節煩疼胃膈痰逆嘔吐惡心

燥聞食氣好吹酸鹹多卧少起全不進食先

服茯苓半夏湯次服茯苓丸

半夏一兩二錢湯洗七次炒 赤茯苓

熟地黄各七錢半 陳皮

旋覆花 芍藥 川芎

桔梗各半兩 甘草半兩炒

右為粗末每服五錢姜三片同煎食前熱

服

茯苓丸

赤茯苓 人參 桂炒

半夏湯洗炒 陳皮 乾姜炮各五錢

白木 葛根各一兩 甘草一兩

枳實二兩

右為細末鍊蜜丸桐子大米飲下三五十

丸食前

竹瀝湯治妊娠恒若煩悶心膽怯此名子煩

茯苓三兩 竹瀝升一

右以水四升煎取二升分三服不差再服

又方茯苓四兩 防風 麥門冬去心

黃芩各三兩 人參一兩

右吹咀每服四錢淡竹葉數片同煎服不

得眠加酸棗仁

紫蘇飲治妊娠胎上逼脹滿疼痛謂之子懸

兼治臨產驚悸氣結連日不下

紫蘇一兩 當歸 甘草各二錢半

人參 川芎 大腹皮

陳皮 白芍藥各半兩

右吹咀每服半兩水一盞半姜四片葱白

七寸去澤空心溫服

知母散治妊娠煩躁口乾及胎載熱

知母 甘草 麥門冬去心各半兩

黃耆 黃芩 赤茯苓各七錢

右吹咀每服四錢竹茹一塊水煎服四肢

壯熱加葛根紫胡

治妊娠急下黃汁如膠或如小豆汁

芋根切二升

右水四升煎取二升分二服每服入酒半

升再煎服

厚朴散治妊娠下利黃水不止

厚朴三兩 黃連二兩 肉豆寇五兩

右吹咀用水二升煮取一升服

治妊娠無故卒下血

阿膠二兩 生地黃半斤

右以清酒三升將二味攪勻溫過分三服

治妊娠無故尿血

龍骨一兩 滑黃五錢

右以酒調方寸七日三服

治妊娠藏氣本虛脾胃久弱臍腹疼痛滑泄

無度產後同

厚朴二兩 草豆寇一箇

肉豆寇一箇

右吹咀每服三錢姜三片煎服

大寧散治妊娠下利赤白及泄瀉疼痛垂死

者

黑豆三十粒 甘草二寸半

鴛鴦粟殼二錢 生炒十一

右為粗末都作一服生薑三片同煎食前服神效

治妊娠挾熱下痢

黃連兩一 黃栢兩一 枹子仁枚十

右吹咀每服五錢水二盞浸三時久煮十沸去滓頓服嘔加生薑橘皮

治妊娠下痢腹痛小便澀

糯米合一 當歸炒一兩 黃耆兩一

右細切和勻水二盞煮取一盞二分去滓

分四服

黃連散治妊娠下痢赤白膿血久不止

黃連八錢 厚朴製 阿膠炒

當歸各六錢 艾葉 黃栢各四錢

乾姜炮

右為細末空心米飲調下方寸七日三服

治妊娠小便不禁

桑螵蛸十二箇炙

右為細末每服二錢空心米飲調下

白薇散治妊娠遺尿不禁

白薇 白芍藥炒各

右為末每服二錢食前溫酒調下

茯苓散治妊娠小便不通

赤茯苓 黃葵子各半

右吹咀每服五錢水二盞煎一盞溫服如不通恐是轉胞加髮灰少許調服極妙

治妊娠患淋小便澀水道熱不通

車前子兩一 葵根切

右二味以水升半煎至一半空心溫服

大腹皮散治妊娠大小便赤澀

大腹皮 枳殼去白 甘草

黃芩各一錢 赤茯苓二錢

右吹咀加葱白水一盞煎七分空心溫服

新邪丹治婦人鬼胎如抱一甕

吳茱萸 川烏 秦艽

紫胡 白殭蚕洗 巴戟生

右為末鍊蜜為丸如梧桐子大每服七丸

蜜酒吞下取出惡物即愈

桔梗散治妊娠肺壅及外傷風寒咳嗽喘急

天門冬去心 貝母 人參

甘草 桑白皮 桔梗

紫蘇各半 赤茯苓兩一 麻黃去毒

右吹咀每服四錢姜三片水煎服藥忌食鯉魚

食鯉魚

紫苑湯治妊娠咳嗽不止胎不安

紫苑 天門冬各一 桔梗半

甘草 桑白皮 杏仁各二

防風半

右吹咀每服三錢竹茹一塊水煎去滓入

蜜半匙再煎二沸溫服藥忌食鯉魚

人參 橘紅 白朮

麥門冬去心 枳實 甘草三

厚朴製 白茯苓各半

右為粗末每服四錢入淡竹葉譚子大生

姜三片水煎空心食前服

加味四物湯治妊娠傷寒諸證

熟地黃 當歸 川芎

芍藥各半

右吹咀每服四五錢水煎服

若妊娠傷寒頭痛身熱無汗脉浮緊加麻黃細辛

若妊娠傷寒中風表裏自汗頭痛項強身熱惡寒脉浮而弱加黃耆地骨皮

若妊娠傷寒中風濕之氣肢節煩疼脉浮而熱頭痛加防風蒼朮製

若妊娠傷寒胃脇滿痛而脉弦加柴胡黃芩

若妊娠傷寒大便硬小便赤氣滿而脉沈數加大黃生桃仁去皮尖乾炒

若妊娠傷寒小便不利加茯苓澤瀉

若妊娠傷寒小便赤如血狀者加琥珀茯苓

若妊娠傷寒四肢拘急身涼微汗腹中痛脉沈而遲加附子炮去桂少

若妊娠傷寒畜血證加生地黃酒浸大黃

若妊娠傷寒身熱大渴蒸又而熱脉長而大者加石膏知母

若妊娠傷寒下後過解而不愈溫毒發斑

如錦紋加升麻連翹

若妊娠傷寒下後咳嗽不止者加人參五味子

若妊娠傷寒下後虛痞腹滿加厚朴枳實炒

若妊娠傷寒下後不得眠者加梔子黃芩

若妊娠傷寒汗後血漏不止胎氣損者加阿膠炙甘草黃耆

若妊娠脉浮頭腫自利腹中疼痛去地黃加桂枝炒

若妊娠傷寒自利腹中痛飲食不下脉沉者去地黃川芎加白朮炙甘草茯苓加黃耆

護胎法治妊娠傷寒
白藥子不拘多少為末用雞子清調攤於紙花上可椀來大貼在臍下胎存處乾則以溫水調之

又方以蠶心土水調塗臍下乾又塗之又調服彈子大佳

又方壯熱甚則以井底泥敷心下令胎不傷

白朮散治妊娠傷寒煩熱頭痛胎氣不安或時吐逆不下食

白朮 橘紅 人參

前胡 川芎 麥門冬去心

右每服四錢姜四片竹茹二錢半水煎服

升麻 蒼朮炒 麥門冬去心

升麻散治妊娠傷寒頭痛身熱壯熱

柴胡散治妊娠傷寒頭痛項強身熱口乾胃腸痰

柴胡 前胡 川芎

當歸 人參 芍藥

右為細末每服四錢姜三片棗三枚葱白三根水煎出汗

秦芫散治妊娠傷寒五六日不得汗口乾多

契水狂語嘔逆

秦艽

柴胡各一兩

石膏二兩

前胡

赤茯苓

甘草

葛根

犀角屑

升麻

黃芩各半兩

右每服四錢姜四片竹茹三錢水煎

防風葛根湯治妊娠中風腰背強直時復反張

防風

葛根

川芎

生地黃各二兩

杏仁各一兩半

麻黃去節一兩半

桂心炒

獨活

甘草

防己各一兩

右咬咀每服四錢水煎

治妊娠中風角弓反張口噤語澁謂之風痙亦名子癇

麻黃去節

防風

獨活各一兩

桂心炒

升麻

甘草

羚羊角屑

酸棗仁

秦艽各半兩

川芎

當歸

杏仁各七錢

右咬咀每服四錢姜四片竹瀝一合水煎

服

治妊娠臨月因發風痙忽悶憤不識人吐逆

眩暈名子癇

葛根

貝母心去

牡丹皮

防己

防風

當歸

川芎

甘草

澤瀉

白茯苓

桂心炒各二兩

獨活

石膏

人參各三兩

右咬咀以水九升煮取三升分二服貝母令人易產若未臨月以升麻代之

柴胡散治妊娠瘧疾

柴胡

生大黃各二錢

黃芩一錢

甘草一錢

右咬咀作一服水煎臨發日五更溫服必取利為愈如胎上逼心可服枳殼散忌油

麵辛熱等物

又方大黃二兩

柴胡一兩

黃芩

芍藥各一兩

右為細末清水糊為丸如桐子大每服百丸臨發日五更冷湯吞下隔兩時再服五

十九以利為度

治妊娠瘧疾發熱口乾渴飲無度者

生地黃一兩

黃芩

麥門冬去心

人參

知母各一兩

石膏二兩

甘草半兩

乾葛一兩

右咬咀每服五錢入烏梅半箇煎服

治妊娠瘧疾得効方

常山

石膏各一兩

甘草一兩

黃芩各半兩

烏梅七箇

右細切以酒水各一椀浸一宿平旦煎至一椀去滓分二服臨發日

驗胎方治婦人經脉不行已經三月者

川芎不見火

右為細末空心濃煎艾湯調下方寸七覺腹內微動則有胎也

急救仙方卷之一